

養默山房詩藁

養默山房詩藁卷十一

松滋 謝元淮 默卿

吳舩集

庚辰

題北寺浮圖絕頂

闔闔巍巍闔門開秋山崢嶸青欲來浮圖摩空高崔  
嵬飛鳥不下孤雲徘徊旋身四望心悲哀俯視不見  
吳王臺昏烟雜還殷如雷

登虎邱塔頂

不淺登臨興生公古道場升天無羽翼倚檻欲飛揚

野水彎環綠秋畦次第黃晚來燈火爍列岫遠蒼蒼

恭擬

仁宗睿皇帝輓詞

乾曜翳景地坼天傾率土茹痛萬類震驚臣在草莽

雪涕吞聲作爲輓詞式揚

聖明於惟

大行揆天建極

舜德巍巍

文心翼翼惠此兆民撫綏萬國側席求治

恭已凝默囊括宇宙

神化充塞

御極之始蠢動羣苗

皇赫斯怒獨運

宸韜風馳電掣掃穴傾巢禍鍾楚蜀白蓮煽妖洗滌  
川岳殄夷獍梟八載奏績

宵旰爲勞惟梟與獍惡爲其性凶豎竊發蛾謀潛應  
毒流曹滑震搖

宮廷

嗣皇神武指顧戡定誅類殲醜斬脰斷脛逆徒殄滅  
九有咸慶洛水堯警瓠子漢歌自古爲患厥惟黃河

養馬山房詩集卷之十一  
武陟潰溢

睿慮恆多拯溺憂墊躋茲太和於惟

大行

至德侔天孝養

純皇錫類八埏

皇心怡豫

訓政三年載籍之盛罔有齊焉丕總

庶機纘承

鴻烈居簡行約激揚清節珠玉咸屏珍奇貢絕

仁風旁靡

天威四徹暖布陽和嚴凜冰雪二十五祀培育蘊結  
翠華秋獮木蘭山莊追蹤

列聖振飭

皇綱同虞巡狩匪穆周行天胡不弔

龍馭上翔八音遏密四海慘傷雨露灑淚日月潛光  
萋萋寸草莫補春陽揮涕北首踣踖徬徨猗歟萬世  
令德彌彰

八月二十日虎邱看桂花

城市有山林相隨僻處行遊人仍滿眼楚客自孤吟  
徧灑乾坤淚難爲草木心徘徊花下久啼鳥亦哀音

虎邱孫子祠

海湧峯高冷碧燐叢祠展拜意逡巡千秋霸國推名將一隊奇兵用美人老樹周遮旗幟立石山重疊陳圖新吳王好戰誠英武只少陰謀富國臣

擬古兩頭纖纖詩二首

兩頭纖纖角弓垂半白半黑局中碁  
兩頭纖纖眉峯碧半白半黑月生魄  
兩頭纖纖落落晨星稀

兩頭纖纖眉峯碧半白半黑月生魄  
兩頭纖纖落落澗中石

題盧忠肅公奏議寄任階平

泰

文學荆溪

海宇飜騰寇盜侵恩恩傳檄箭戈林千秋大計防邊  
策萬死孤臣報國心績比文山多戰伐才如武穆共  
銷沈披來字字餘丹血擁鼻燈前不敢吟

上唐陶山觀察

仲冕

四十韻

衡岳鍾靈秀星沙挺俊賢才名驚海宇惠澤徧江天

慷慨饒經濟淵深富簡編等身稱著述

著儀禮蒙求  
陶山詩集文

集

义手就詩篇弱冠登科日金門射策年紅綾初啖

餅花縣暫鳴絃

癸丑進士  
簡用知縣

氣挾風雷壯春敷草木妍

救時情惻惻懷古意拳拳墓爲才人掃

令吳縣時修  
唐六如墓梓

其遺

碑猶霸國傳

令荆溪時構  
國山碑亭

勸農來水畔選勝歷



山巔只有烟霞癖翻多翰墨緣酒邀胥浦月舟泛畫

溪烟廣厦依寒峻

刺海州日  
創修試院

通渠溉瘠田

開海州甲  
子河潘吳

江盤根能別利驥足本無先績課循良最階因特達

遷七閩移福曜五馬駕雲駢

部推福  
甯太守

借寇情方切思

繼與自偏

聖恩增蓋秩民隱挽姚鞭

大府保  
以觀察

甯江

陳臬榮三仕

三攝江  
蘇廉使

明刑化屢宣下車除暴客比戶慶安眠屈抑

平反雪孤寒委曲全仁心孚格外生意滿胸前門繼

于公大恩同召伯延伏鸞姿聳立雛鳳翼聯翩負荷

褒劉靜剛修啟孟堅

哲嗣葦滄刺史現任甘肅涇州  
牧鏡海太史以翰林擢給諫

片長歸藻鑑多士待陶甄賤子常匏繫羈遊類網牽  
迴嗽中夜雁寂寞晚秋蟬久被毛錐誤徒將鐵硯穿  
鉛刀求薛相鼠璞懼和捐竟以愚蒙獎真教喜欲顛  
幾年空學佛一顧便登仙仰岱瞻穹岫輪溟愧細涓  
坐披雲錦爛私奉瓣香虔倘執經生業甘隨弟子員  
官卑才易稱守拙遇何遭願効驅馳力還虞厯塊愆  
飲冰原自信挾瑟更誰憐警咳聞餘緒逡巡獻短箋  
慙非千里駿恐負九方歎

雨中望海

福山

到此江流盡洪波接混茫潮來天色暗風急雨聲狂

魍魎爭昏出蛟龍自偃藏蓬萊何處所長嘯對扶桑

曉發泰興至如皋

羣鴉曙爭啼孤城曉猶閉行邁出東門辨途遵軌轍  
遠樹藹朝烟濃霜似微雪東南一角紅海濱上初日  
川原迤邐過村塢參差出艱難感知遇辛苦生歡悅  
雉皋憶前遊長夏正觸熱乙亥五月行役過此嚴親羈吳門望  
我歸心切顛沛五六載往事那堪說惟此一寸心區  
區抱丹血

尋水繪園故址

如皋

雒水卸征席霜飈滌塵鞅言尋冒氏園城角餘榛莽

敗屋環清渠

洗鉢池

蘭若梵唄響

雨香

陵谷久變遷園

名仍舊榜公子昔全盛豪華恣玩賞笙歌不厭繁文

字還爭長同時杜

茶村

與陳

迎陵

翩翩競英爽幸值干戈

餘興廢隨擾攘營此數畝宮畱爲後世想稚子薪落

葉寒禽弄哀吭階基片石存礪刃平於掌一叟耘中

庭叩之殊惘惘但道園主人曾與東林黨是非邈難

知其跡皆已往自我傭茲圃肥饒異他壤揮鋤糞土

中每每獲遺繯昨日有狂生棲遲至月上不知何悲

哀徘徊對菰蔣富貴類轉燭乾坤容俯仰日夕獨歸

來蓄念溯疇曩

黃橋役夫嘆

西去泰興東如臯中閒最爾爲黃橋役夫不怨迎送  
苦惟云奔走窮昏朝伊昔誰作厲階始送差東西二  
十里官人如虎役如鬼殺爾何消寸餘紙渠送州中  
差儂送縣中客鞭苔不許稍休息渠儂中道一相逢  
卻教與立語刺刺前歲官長初來時僕從十百如雲  
馳就中兩郎芙蓉箋榜人指說官親隨黃橋役夫一  
時盡捉差還捉里中兒昨日官差尤倉卒瓊裹十箱  
街左列不知何物實箱中沈沈壓肩骨欲折骨欲折  
不敢憐但得官差過那惜儂力殫儂今歸去還無眠

帶月往耕溪上田

贈崇川王辛園副榜

元崑

時年九十有三

耄年嬰鑠隱蒿萊老樹婆娑記手栽天上仙人稀此  
福海隅奇氣釀斯才論科名覺因人重有典型堪爲  
世推只剩廉州閒太守

前廉州太守楊彌之世綸通  
州人今年九十四尙健甚

小時曾共讀書來

示天甯寺僧

境邃得靜觀心恬甘蹇拙勞蹤息精舍暫喜塵鞅歇  
疎花繞籬榮孤塔當窗兀凍雨復潺潺檐鈴共淒絕  
旅懷不自遣愁思正飄忽一與湯休遇洒然契禪悅

大化本無爲楞伽歸寂滅說法現諸身毋乃佛饒舌  
飲食具妙諦此外非所切萬里馳騁跬步遜跛鼃  
芥子藏須彌天地一毛髮微笑會我心攜手還無說  
但指海雲紅團團上明月

擬昭明詩二首

大言

漱齒滄海涸昂首青天低五岳胸中藏日月掌上飛  
細言

拓基蝸角閒爭戰蚊睫底萬國一微塵終古行不已  
于役海門有作

深谷高陵有變遷望洋翻覺意茫然珠宮貝闕三山  
杳蒨屋蘆籬萬井連但使蒼生能讓畔何妨碧海盡  
爲田於今

聖澤如春溥葭葦江蘼總可憐

### 登狼山

五峯羅列一峯尊上有樓臺接帝閭人到半山

亭先名

息足我來絕頂最銷魂排雲樹色連天盡捲地濤聲  
帶雪奔今古不堪成俯仰忽忽斜日又黃昏

### 狼山第一山門觀陶山觀察書額

題與名山壯梵宮高標不用碧紗籠只看揮灑凌霄



漢合使書生拜下風

額題更上一層

舟次琴川欲雪復霽

失喜歸風便虞山翠滿航霞飛渾欲雪雲破忽殘陽  
晚市人猶集寒空雁不翔自憐行役久裘敝犯冰霜

風利示舟子

小艇乘時也順流殷勤還與榜人謀布帆珍重休教  
滿一葉風多一葉愁

雲閒旅次題鄭西峯縣丞

祖經

幽篁獨坐圖

避俗端宜對此君琅玕十萬上青雲窺人只許山頭  
月鸞鶴秋空不可羣

海湧峯前成小別春申浦上一相尋於今四海誰知  
已流水高山共此心

陶山廉訪作九九消寒詩分得寒蝶二首

曾尋芳草徧天涯又逐飛蓬到處家悟徹前身原木  
葉可能知己屬梅花山閒露冷香衣重村裏風多粉  
翅斜那得還吟三百首滿園冰雪夢南華

霜冷吳江詠落楓韶光何事太怱怱魂銷南國雙飛  
地夢入西園八月中翩舞自因親暖日飄零才識感  
春風陽和指顧來天上曾遣羣芳發故叢

題聽濤圖

驟如萬馬馳天驕汨如八風臻林皋隗如天柱撐青  
霄激如勁弩摧鳴騶犀軍衝突靈霄怒龍伯聳慄天  
吳逃側耳傾聽者誰子悄然獨坐高山高我聞海水  
環大地神山縹緲冠靈鼈長鱗千里穴海底出入鼓  
蕩成汐潮又聞天度一月東西再四時消長隨昏朝  
淩岳觸岸勢莫洩合沓怒張牛魚毛此事荒遠非目  
見但聞洶洶入耳聲呼號人生耳目苦自蔽泰岱未  
必加秋毫區區望洋嘆溟渤視之不啻杓與瓢枚叟  
作賦固爲拙錢王設弩庸能豪紛紛樓船競帆櫓芥  
舟杯水嬉堂坳君今置身青天外頽聆塵世徒囂囂

枕流漱石那無願藉此一洗俗音嘈邇來吾意尤蕭  
索塊磊未得胸中消安能攜榼就君飲洪湍共對傾  
香醪興闌莫便輕歸去天籟還聽松騷騷

養默山房詩藁卷十二

松滋 謝元淮 默卿

圯上集一

辛巳

將之圯上船入荆溪畱別陽羨諸君子

罨畫溪頭水不波  
蜀山門外客重過  
別來漸覺詩篇少  
到處還餘酒債多  
巒翠沆光仍映徹  
壯心豪氣漸消磨  
常時已道蘇州遠  
如此風烟北渡河

楊柳東風日日吹  
不吹花發只吹離  
先春送客行何遽  
隔歲看山約較遲  
國士尙虛知己報  
微才空負

聖明時茲遊信是恩恩甚還與烟霞訂後期

荆溪呈陶泉大令

離情離思逐春生倚棹重來蝦虎城一劍飄零尋舊約四郊謳詠聽新聲冰融淺渚鷗知暖路入深林鳥不驚惟有五雲溪水潔澄澄長似宰官清

京口渡江抵廣陵

雙峯畱砥柱一舸破朝烟隔岸山如笑環隄柳欲眠繁華同逝水風景憶當年歌吹從來勝吾遊適偶然

官粥謠

東舍挈男西挈女齊領官粥向官府日高十丈官未

來粥香撲鼻腸鳴苦忽聞籠街呵殿高萬目睽睽萬  
口囂一吏執旗厥前招男東女西分其曹授以竹籤  
揮之去去向官棚施粥處投籤受粥行勿遲遲遲屢  
遭官長怒虬髯老吏攔前門手秉長杓色如瞋大口  
一杓小口半須知點滴皆官恩阿娘呼女兒呼耶官  
厥已收催還家片蓆爲廬蔽霜雪嚴寒只有風難遮  
道逢老叟吞聲哭窮老病足行不速口不能言惟指  
腹三日未得食官粥

查賑口占

景物蕭條甚陰陰漏夕暉草簾寒不捲空舍暮誰歸

犬瘡<sub>子</sub>猶吠村荒燕亦稀  
儂今來活汝休訝吏敲扉  
村舍桃花

榆膚剝盡草無芽  
蔀屋於今尙幾家  
已判窮檐春不到  
東風猶自放桃花

月夜遊圯上

夜氣收微暑閒行值小橋  
野風抽稚荻涼月媚深宵  
功業前賢繼鄉心此夕勞  
毋爲懷進履飛舄憶王喬

聞郭公鳥

半戈山下日平西  
小麥黃時水拍隄  
有鳥催耕如識我  
聲聲猶作故鄉啼



邳人耕耨駕車雜牛馬驢騾而馭之以謳歌  
相呼輒宛轉如旨閭里謳聲相聞也爲賦  
此詩  
牛歌相應是何莊麥熟家家打麥忙黃犢行遲馬行  
疾蹇驢恰好介中央

次韻答醒蕉

圯上光陰驚冉冉吳門楊柳想依依故人千里寄雙  
鯉處士一星明少微生計已艱還抱病家山雖好漫  
言歸秋風戲馬彭城道遲爾登臨醉落暉

答顧鐵卿

蘇

秀才

雙溪薄宦憐飄泊一卷明珠愧暗投已信才華工著述卽看標格最風流招尋未過揚雄宅爛醉先登庾亮樓惆悵河干分手處柳風花月去蘇州

白公隄上草如茵黃石山前衣染塵爲喜詩篇傳顧

况轉深潭水送汪倫

汪湘汀入都過訪得君手書湘汀家桃花潭上

吟朋落

落如星散憂思明明逐月新試問金亭諸酒客臨風憶否渡江人

贈州牧胡柴門

晉

司馬效竹枝體

艾山矗矗逼雲橫河水湯湯繞舊城山自青蔥河自潤等閒不及長官清

哀鴻四野徧號飢手秉洪鈞默轉移不是使君親活  
汝流離溝壑有誰悲

岨山東去路欹崎中有邳州刺史祠夜半荒庭低首

拜千秋心事兩人知

岨山淵德公祠祀漢下邳令韓  
師伯今夏偶旱君夜禱於祠明

日大  
雨

清畏人知世法傳歸裝應載土盈船直教劉寵輸廉  
介尙選民間一大錢

錯節盤根須利器芒鞋竹杖漫相親勸君緩作歸田  
計多少蒼生借寇恂

誰家暴骨枕荒烟便散千金買墓田無數旅魂齊感

泣只今風雨皂河邊

去官相澤通皂河見敗  
機暴露捐千金盡瘞之

一廬分受水雲兼飽朔從今得守廉分付官田多種

秫安排春酒壽陶潛

舊城河有官地二十頃君以  
巡檢司清苦悉以租見歸

我作新詩不浪譽君留惠政在東徐試聽白叟黃童

說明日齊攀刺史車

時以荐  
升將去

### 雨後過銅山道中

一路隨芳草重重看遠山雨餘秋稼場風定暮雲閒

犬吠來村塢人喧渡水灣今年瓜菜賤野老趁墟還

### 蕭縣道上

風雨無時定奇雲散不收綠楊方拒暑紅蓼欲明秋

水勢領中建民懷釜底憂試聽林外鳥牖戶早綢繆

曉入碭山

曙景連芒碭林花帶露芬朝霞輝映處猶似漢時雲  
野沼蛙爭吹高空鶴不羣只愁議襍襪觸熱敢言勤

六月十五日碭山道中作

先君生日

大堤垂柳盡鳴蟬似代勞人訴可憐一寸功名慙  
聖世尋常事業讓時賢雲迷芒碭成終古日斷荆湘  
憶往年岵峿空存兒女隔今宵明月莫教圓

河水灣

黃河之水何太濁水濁斯堪濯我足狂瀾誰教天上

來不管千家萬家哭麻林瓦瓦豆苗齊可憐一夜沈  
沙泥村樹若萍沒遠岸居民如鰥依長隄兩腳綿綿  
斷還續生恐靈鼃翻地軸急決支河殺奔輪旋添子  
堰興畚築徐州北門勢九險高出黃樓猶漱漱瓠子  
不聞簫竹歌麻姑幾見蓬萊淺天然開口峰山頭三  
日不啟河伯愁忽報黃流低一尺雖曰天幸由人謀  
君不見昔時蘇文忠彭城堵禦資成功又不親近日  
斯文襄全河收束加周防禹蹟要令徧九土堯心肯  
使憂八荒不然河身日高何時已漫說臣心如止水  
金堤縱築高連雲應向雲端籌釜底

鐵犀行

鐵犀鐵犀誰鑄汝兩耳已殘雙角弩鞭之不動亦不  
肥日日堤邊飽風雨腹中有字作蚪文太歲在巳月  
庚午當時鑄爾非無意豈媚兒童供狎侮陽侯朝來  
作水戲已見飛波濺尻股偃鼠猶能一飲河犀兮犀  
兮奈何不如鼠

于役碭山值河水盛漲自彭城放舟夜至下

邳得六百七十二言

全用三江韻

彭城四面山崆峒古稱要塞雄南邦禹蹟九州此其  
一浮於淮泗無憂澤自從黃河再南徙陡從天際垂

奔瀧羣山層疊束不住穿嚙脰股驕難降北門岸狹  
湍尤急濤頭俯射黃樓窗全郡生民繫性命周覽雉  
堞心神懔築隄護險起高塹拋石禦水成危屹側聞  
大府催購料梢芟廣蓄儲檣椿塢流豈無仲通法移  
山竊抱愚公憊我昨行役入芒碭伏槽流水方濺淙  
役夫舁我緣隄去欲行不行何路躩渴曦當空苦炎  
熱林樾遙喜青樅樅依山高下建茅舍短籬紅白垂  
秋豇扣門乞漿應少婦隔花吠客來驚危爲言今年  
秋稼好薄田淳鹵勤耕耜春麥已登瓜菜賤青青麻  
裨繁啤躩一夜忽漲礮山水坐看淪卷交春撞只疑



天吳戰海若犀軍壁壘森矛鏃鱷齒排空摩巨刃靈  
鼉鳴鼓聲辭辭又疑河伯娶新婦淩波隱約迎仙娥  
宓妃漢女侍左右遺釵解珮鏘琤琤帝遣巫咸爲下  
問鹵簿騎從陳旌幢嗟余破浪擬宗慤兩槳便買瓜  
皮艤昂然按劍踞鵠首一艤兼載驪與騄解纜乍如  
天上坐滔滔巨浸飛孤篋兩涯極望混牛馬黃氣浩  
汗晴爲曉千歲老樹足樛棟致之奚啻千人扛帶葉  
連根欲貫月隨波汨沒同蘭茝隄邊古寺露鷗吻小  
兒登木如尋橦居人撈物狎波浪不聞號泣聞喧嘩  
可憐漂沒到螻蟻蠨蛸蛙黽蜩螗緣木依草救不

得半生半死雙眸腔嗚呼山川有更變呂梁之險稱  
無雙只今回瀾繞山下空谷樵足音跫跫龍虎山關

資分洩巉巖鑿斷撐雙磴奔湍到此忽徑辟中流阻

截橫長杠詎有怪物敢唐突或如噫氣填膺腔

方盛漲時

水在峰山以上如物阻截下此是時日色已薄暮黑

褰裳可涉或云有土龍互河心

雲挾雨天黢黢大風鼓浪浪掀簸惟仗忠信心腔腔

操舟老翁老猶健滿頭白雪鬚眉厖生長河濱識水

性多力似食延齡邶拏舟艤岸竟何處遠林明滅然

村釭問去圯橋更幾里兵夫夜起敲鉦梆到家不知

夕漏永香醪滿酌琉璃缸酒酣豪氣逼霄漢此水何

似錢塘江遠懷婆畱奮雄武三千勁弩操羿逢嶠鵞  
狂濤歌底定安瀾只許流澌澌功成拂衣返田里去  
訪居士襄陽龐

大雨 全用十七洽韻

七月壬子大雨竟日迅雷震屋平地水數  
尺越日復雨秋稼盡沒歲且再歉矣時瘟  
疫流行千里傳染饑饉之後繼以大疫感  
愴於懷輒賦五百九十字

元年歲在辛七月日臨甲毒熱燠熿燠微霖思霏雲  
浸淫汗沾襦振搖手揮筆顰蹙眉不開呿張口難嚼

卷一百一十一  
晦晦重陰屯熾熾暑氣壓浙瀝鳴瓦溝飄灑動簾押  
暴凍忽翻盆檐湍驚倒峽泡珠亂跳暈迸溜交趨飲  
勢怒竄蛟螭聲喧瘖鵝鴨霹靂耳轟聾礮礮眸閃眨  
積穢前渣汙時疫散瘟劫黑蜮騰靈淵駁犀吼寶匣  
宏寶咸滲漏徑路愁躓跲忽決拍池塘凜凜寒肩胛  
獨止幽人廬思披處士袷嗟茲古下邳獷俗競靱雪  
原田半斥鹵貨殖重鹽筴小市足蝦鮭居民工鮑鮓  
卑窪釜底危偏側箭筈狹捍禦資隄堰興築勞畚鍤  
墊溺厓

宸衷周防馳府劄盛張昨滿槽宣洩分啟牖短堆突

縱橫遙岑圍岌業伐巖豁成厂投石互類硤綿綿輪  
樵薪捐捐競鑊鉶幸免潰決虞已殫疏鑿法余心隱  
懷憂鼻息潛不飲彼颺颺乘流如會盟爭敢壩埽阻  
崩奔刷衝疑鹽嗟深念恆怛怛訛言衆喁喁况值饑  
饉餘久荒耘耔業咽咽竈產蛙纍纍石生蚰晚稼多  
於雲柔莢嫩可搗豆苗泥腳盤秫穗水心插立根猶  
倔强臥葉但押搗汨沒隨渦濤傾圯盡門郊復爾雨  
滂沱坐看波泱泱河伯胡不仁兩師豈誰憎

朝廷祀川瀆典禮繼蒸飴祠屋徧寰區繪采絢壁嬰  
偶形範土金戎服製跣跣簋陳牲碩肥樂奏笛麻圖

祈禱走羣兒跪拜手雙扳祝詞致敬恭神意應道州  
奈何安素餐母乃實庸怯願得蒼穹憐哀此黔首乏  
呼晴命鴈鳩催曉來鸚鵡長空瘴翳消大地謳歌洽  
更鞭萬峯移驅置兩岸夾劍割垂龍耳鎖穿支祁脅  
禹績又成功堯脯涼瑞蕤節過七夕纔航受三人恰  
芰荷互低昂鳬雁羣唼喋齒折康樂展角墊林宗恰  
而我恣遨遊於焉供賞狎大笑或軒渠酣睡時酌船  
估屈詩擬韓縹緲架盈鄴載賡日重光滿引酒一呷

聞哭

疫氣溫磨滿川谷盲風苦雨相追逐鬼伯佺佺亂提

人鵬鳥羣飛萬家哭昨日西舍孤兒殤哀哀寡婦號  
兒傍日夕無聲婦亦死鄰人藁送羊山陽凶災流傳  
幾千里但見滿目白冠裳嗚呼自古誰無死旦暮恩  
恩那有此仰天一慟天蒼蒼人哭我哭淚如水把酒  
欲飲酒先傾拔刀斫地刀光橫唐衢別有傷心處那  
作途窮阮步兵

得余次卿書喜其以御史

記名

秋山欲醉雁南賓錦字傳來近

紫宸幾載雲泥成契闊當時蹤跡聚風塵青箱世業

新遙胃

十二世祖雲圖公嘉靖中御史巡按川陝

白簡聲華屬故人記得

南雍同讀史燈前慷慨說埋輪

壬戌讀書南學事

仙蹤乍喜住蓬岑粉署爲郎歲序深傾耳直聲焚諫草早聞佳話重儒林書來八月添秋思

恩到重泉感寸心

本年恭遇

聖恩先父母得贖典俱次卿代爲上請

翹首

神京還北望西風圯上獨沈吟

### 得家信

遠信隨梧葉秋風動客懷操持資婦健攻苦望兒佳  
挽鹿情空切將雛願未諧思鄉多少意斜日散蕭齋



哭外舅劉碧峯先生

嗟我傷鶯子惟公屬老成家書千里至岱嶽一峯傾  
玉愧陳平美冰懷樂廣清轉悲離別日珍重慰孤征

二

歷數生平事遭逢亦坎軻酒懷秋後健愁思暮年多  
忽忽情何極垂垂鬢已皤束芻遙寄奠還憶醉顏酡  
秋夜不寐

兀坐成幽獨宵長漏欲沈窗明知月上蟲語得秋深  
怕作還家夢聊爲楚客吟徘徊渾莫遣冷露溼花陰  
促織

促織爾何意纏綿終夜吟豈能勸女職亦自訴秋心  
月落牆根暗風來草露侵此時最清絕相與伴更深

土山謁國壯穆祠

大節難回國步艱長甯祠屋徧人閒獨憐冷落荊州  
客斜日西風拜土山

夜雨述悶

重陽已過未看菊雨聲日夜愁蕭蕭天公不肯慰孤  
客更遣哀雁鳴寂寥平原秋草爛已死牆角遺豆新  
茁茁陽氣發亂靡收束棗花再放紅榴桃我生與我  
周旋久豈共草木爭榮凋榮枯通塞各有遇非時衰

夢斯爲奴一燈豆熒照研席苦吟矻矻眉脫毫詩成  
知覆誰家甌且復痛飲舖其糟自古詩人例坎軻  
籍髡島寒如郊我詩不逮數子遠卑官薄俸猶濫叨  
朝廷職守那容曠乃呼騎曹爲馬曹擲筆一笑且歸  
臥臥待初日扶桑高

送陳枚坪

慶鎰

之桃源

送秋兼送客秋去客愁深夜雨催行色西風感舊林  
我空遊圯上君喜近淮陰

君家山陽

望望桃源路詩筒好

寄吟

題王性餘司馬

士鍾

獨坐幽篁圖

渭川千畝自修修一笑何須萬戶侯  
除卻此君惟獨坐曾無俗客許同遊  
右軍帖仿蘭亭勝中允園稱竹里  
幽比似林閒風景好滿天青籟淡吟秋

喜聞陶山廉訪

簡授陝西方伯

入覲

天顏暖正融旌旗遙拂杏花紅  
民如赤子思慈母我爲蒼生借寇公  
乍喜清風來海上還移愛日向秦中  
定知畫舫吳門過夾岸爭迎竹馬童

似此憐才信夙根江南詞客半公門  
品題偶與尋常

異聲價居然十倍尊驥困鹽車思樂顧蝶依東藥待  
春溫文章我自慙知己不是隨人說感恩

亞父冢 銅山

城南遺冢剩荒邱監子何常足與謀玉玦空提撞玉  
斗鴻門矢擊割鴻溝漫將楚漢論成敗只就君臣辨  
劣優爭帝圖王須磊落陳平六出計堪羞

戲馬臺 銅山

學書學劍志非常晝錦胡然戀故鄉逐鹿偶閒聊戲  
馬沐猴雖謔竟亡羊大言早已無秦帝杯酒終能釋  
漢王千古廢興同一慨歌風遺址久荒涼

彭祖井

銅山

戲馬城中古井泉州人指點說彭籛豈同廉讓之閒  
水曾照商周以上天一飲定知能解渴千秋猶是詔  
延年河流那得如斯靜不起波瀾浸碧鮮

放鶴亭

銅山

鶴去雲龍僅有亭東坡此處記曾經橫天巨浪千層  
濁到眼奇峰數點青羽化丁仙空自苦笙吹子晉待  
誰聽滔滔隱抱沙蟲慮漫說山人戶半扃

石佛寺

銅山

畢竟禪身佛未空雲龍高聳梵王宮因山始信根基

固鑿石翻嫌面目同下拜偶然隨米老點頭何日遇  
生公金剛不壞渾閒事枯坐爭禁萬古風

黃樓 銅山

城上黃樓接水濱河中濁浪射重闌當年結構宜風  
月此日凋殘滿棘榛千古豈無賢太守一家難得總  
才人我來何限栖遲意不獨荒涼感慨頻

聞荆溪任禮塘文學 安上亡

寂寞長溪冷芰荷故人回首嘆巖阿好名不免因文  
累得意空憐被墨磨晚歲交遊惟我少平生著述惜  
君多遙知斗室荒涼甚重撿遺編憶苦哦

喜聞任階平鄉闈報捷

秋風一爲破牢騷芳訊傳來我亦豪執藝門牆

近傳經家學釣臺高

階平爲潞里張霽青高足釣臺先生曾孫也

論文未

覺科名重射策宜將史筆操圯上遲君紅杏發卻看垂柳染春袍

題雪中乞食圖

誰憐失路飯王孫敝布單衣凍不溫大雪滿山流水斷茫茫何處認朱門

十年吳市嘆艱辛我亦勞勞乞食人便欲相隨山裏去於今舉谷厭單負



嵩蓮舫撫軍

孚

出撫嶺南駐旌趙村驛壁間

見余贈槩門司馬竹枝詞面加優獎因獻

詩集更賦二絕句

驛路風光繫客思旌麾到處有春隨  
嶺頭南去梅花早卻向郵亭賞竹枝

詞章小技愧雕蟲拂拭頻頻荷鉅公  
寄慰陶山老方伯龍門並峙有高嵩

菜花四首和韻

漢陽熊夢華

燠

往作菜花四律黎湛溪宮

保首和之繪圖以紀一時附者百餘人今

年冬俊弟益堂司馬增出元唱囑和則夢

華已歸道山歎惋之餘依韻追和

耽雨耽晴日日煩散金看取隴頭陳全家婦子經營  
力一段原田滿足春曉露初勻添瑞色微風乍起惹  
香塵當年目不窺園者卻對荒畦嘆此身

北舍南鄰不特呼林閒野鳥勸提壺尋春騎遠驕難  
駐寶社人歸醉欲扶流水東西渾有迹亂畦高下總  
堪圖村村日暖遊蜂繞一種風光憶舊都

條條歧路任欹斜漫笑齏鹽往念差咬定甜根應我  
輩羞教此色到民家重吟蠟屐歸來句一訪黃冠去

後花畢竟東皇生意滿青芹紫蕨早抽芽  
拋卻犁鋤萬事非故園遙望憶清暉柔枝帶露堆村  
簞小瓣隨風點牧衣蝴蝶飛來春欲暮鶉鴝啼處雨  
偏稀此中大有豐年在莫認尋常百物非

答漢陽熊謙禮

詩

圯上相逢感歲華輕拋桑梓到天涯精忠事業餘孤  
憤芝昭代文章屬大家次閱閱久爲三楚望才情合

向萬人誇聞聲我憶同懷客彩筆揮殘夢裏花

令兄夢花

徵士

偶然詞賦動公卿

唐陶山方伯嵩蓮舫中丞

畢竟慚他月旦評手

卷二十一  
版如駢常下跪頭銜學鴨屢呼名每談鄉邑思千里  
深悔詩書誤半生一笑勞勞成底事濁醪相對且同  
傾

養默山房詩藁卷十三

松滋 謝元淮 默卿

圯上集二

壬午

正月三日大雪渡河

水底陽侯也白驚何人鑿凍放舟行層冰亂簇玻璃  
脆急雪爭翻鶴毳輕新歲三朝春尙淺長河九曲浪  
全平果然星宿通天上一道銀潢達玉京

雪

乾坤一白玉無瑕奕奕紛紛望眼賒漫擬風中飛柳

絮只疑天上盡梅花何人閉戶還高臥有客移鐙自  
煮茶輸與蘇黃吟興健閒搜險韻鬪尖叉

### 石友

花朝日得硯於舊邨長八寸闊半之高三  
寸許溫膩如玉青花隱隱試以隃糜油油  
然相戀水巖上品也先是硯置窮市中半  
載無問者余以善價易歸畧加拂濯瑩潤  
動目繼以磨礪光采煥露希世之珍物色  
塵埃庸非天幸字曰石友永矢勿諼

窮通各殊遇惟物亦有然嘆此盈尺寶寂寞湮市塵

雲漢降精氣靈秀孕重淵鎚鑿出人世規橰成方圓  
芸窗位置巧光耀連斗躔文筆鑱造化得之助精研  
刪修溯萬古論著垂千年胡爲墮塵埃童豎恣磨鐫  
聖缺刊棱角塗抹隨丹鉛拋擲几席外不異瓦與磚  
何時攜入市羅列雜簡編行人棄不顧灰垓紛委填  
翻憶重淵底轉得全其天銅雀久傾頽片瓦猶流傳  
陶埴始姦僞虛尙衆所便龍尾精英竭後出無稱焉  
此外多細碎一美盈百愆安能視茲寶渾璞涵靈泉  
賤子悔輕躁少也譽空延三載客京師交友惟豪賢  
放意月露表置身蓬萊巔當時盛期許乃今罹迍邐

白髮行見出青鐵磨難穿欲駐世無術欲歸農無田  
所遇非所望對此宜相憐邂逅圯上逢黃石思古仙  
摩挲日再三風態何娟娟呼之爲石友庶其莫予捐  
揮毫走風雷潑墨生雲烟磷淄兩不變與爾齊貞堅  
與顧小巖 安

小巖崑山人官河防把總罷官後流寓皂  
河構小舍自居門邇通衢往來多投止焉  
性好爲詩凡文人下榻者必留題詠歲久  
壁皆滿予以于役鍾吾過印鴻小榭出松  
閒課讀圖索詩賦此贈之



壯翁好武更能文橫槊雍容樂典墳宦後心情同止  
水眼前蹤跡視閒雲扶藜小憩花初放擊劍狂歌酒  
半醺調鶴松閒還課讀任他車馬日紛紛

松閒課讀圖

雪泥指爪認飛鴻幾樹垂楊半畝宮天地本來爲傳  
舍詩篇何必定紗籠萍蓬偶爾逢今日裘帶依然見  
古風到此都忘身是客羞聽阮籍哭途窮

印鴻小樹

清明日駱馬湖作

時方清丈湖地

勞人草草倦逢迎湖上春深鳥自鳴忽見家家齊土  
冢可知今日是清明

麥苗短短菜花黃畦町誰分亦有疆總屬乾坤寰覆

內春來何地不恩光

聞胡潤峯至圯上未得卽見

十年舊雨三年別問訊爭如覲面親好在東園桃共  
李遲君開作萬分春

駱馬湖 宿遷

下土多蠅聲愚民難慮始別爨厭父餐習見轉相比  
周髀寰宇內疇非天赤子率土供賦役那容遺尺咫  
況復強兼并爭奪亂法紀此而不之齊將毋綱維弛  
鍾吾古下相駱馬湖清泚厥地屬低汗方廣三十里  
蒙沂匯東流收蓄歸於海五壩列五防宣洩尾閭尾

純皇昔在御哲相來經理

阿文成公

爲虞轉漕艱設牖資

閉啟捐此非無用豈留富奸宄三十六年來盤結固

根柢腐鼠集羣鴟紛紛競爪觜久竊忘所非聞索轉

驚訾偉哉二卿公

孫寄圃節相黎湛溪宮保

揮筆散鬪螳高下別

溝渠東西分隴坻鱗次復牙交一一掌可指遂令逋

賦區還歸版圖裏予與有微勞成事差自喜客有相

謂曰先生且休矣匪天物何覆匪地民何止

熙朝累深仁煦育蘇瘡痍

恩澤被萬方彈丸焉惜此蚩蚩藜藿氓終歲勞耘耔

賴獲升斗粟室家飽糠粃一旦奪之田毋乃失所恃

予聞戰然笑若真鄙儒鄙虛言鮮實濟末齊本不揣  
所貴經濟才細微能察體斯湖非閒田置爲漕運耳  
自從蠲賦後豪猾私爲已繞舍築堤防隨地樹荆杞  
租籽歸私橐橫豪生泰侈正如百萬貲挈之委都市  
強者攫取歸弱者空睨視坐使桀黠徒膏梁厭羅綺  
鞭撻其莊佃不啻僕與婢試問湖中人貧乏真有幾  
舍此今不圖狼狽益相倚悍然不可馴貪冒無所底  
是爲長亂萌而實禍桑梓前年暨去年徐郡災困米  
簞慮渥以周使無溝壑委下  
詔蠲租賦撫卹發銀米凡茲

惠養隆供輸乃得爾乾沒濫邀

恩能勿喪愧恥客噤不敢言予亦投袂起

咏史一篇寄黃荊山大令

庭琮

吾愛秦皇帝英睿振千古郡縣壹宙合斯之謂共主  
揖遜首唐虞征伐繼湯武時局使之然豈得法舜禹  
文武道旣消諸侯互攻拒末祀等縣旒無救戰爭苦  
何如攬鉉綱萬國咸拜舞天地大轉關實賴帝翻舉  
陋儒見拘墟譏訕肆簧鼓訕其變封建封建誠何補  
強斯恣憑陵弱不足夾輔訕其壞井田天下此疆土  
長養日滋繁戶焉授園圃訕其焚詩書所焚百家語

訕其坑儒生所坑亦腐豎長城限中外萬世資守禦  
巡狩踵古聖翠華周寰宇銷兵示不用聚粟富天庾  
刊石紀功德功德良可數雖病政煩苛亂民難爲撫  
六國舊公卿子弟多失所私仇與私恩指斥成怨府  
後人蒙不察竟謂癸辛伍所嗟亥也庸致爲炎劉取  
天祚倘延傳頌美將溢普君子持公論貴能刷陳腐  
蚍蜉處壤垤天外非所睹持問圯上公知言其我許

春興

遙村近塢一叢叢裝點韶華費化工綠徧垂楊紅徧  
杏桃花猶是笑春風

宿遷西楚霸王廟

八千子弟渡江東三月咸陽火亂紅  
天爲亡秦生霸主地眞歸漢死英雄  
河山久已非劉姓祠廟今猶剩楚宮  
每過彭城登戲馬鳴哨叱咤想餘風

村舍海棠

野屋疎籬滿綠莎一枝紅出海棠柯  
天桃豈是無顏色不耐人看只太多

極樂庵紫牡丹 宿遷

城東小憩得幽房花雨分明古道場  
修到牡丹眞富貴紫衣長合伴空王

待月

森森古木蔭微涼  
嫋嫋籬花送暗香  
一種媚人幽獨意  
倩他明月與平章

中秋無月

誰放浮雲滿眼生  
良宵孤負酒盈觥  
置身儻出浮雲上  
定看圓輝萬里清

十六夜見月

分明寶鏡挂青霄  
錯認姮娥喜寂寥  
圓滿期原應後夜  
十七夜始望模糊事已屬前宵  
黃河水帶金波朗  
丹桂

香淩玉宇遙佳節  
偶虛天爲補好攜尊  
酒聽吹簫



宿羊山道上

邳州

衰柳拂鞭斜，高風起暮雅。  
小溪相抱處，深塢幾人家。  
霜意凌楓葉，秋心戀菊花。  
榮枯皆物理，荏苒閱年華。

過對佛寺

銅山

兩寺參差對羣峯，迤邐前僧歸黃葉。  
鳩舞夕陽天，諸佛應相笑。  
勞人太可憐，阿誰堪印證。  
時賁邳州印信赴郡道  
遠好揚鞭。

途中見獵鷹搏兔

空林葉盡秋草枯，臂鷹野獵聲喧呼。  
草閒驚兔忽東走，解縑急縱追亡逋。  
獵人利禽苦搜索，飢鷹思肉奮

拏攫狡兔畏鷹復畏人兀兀窮原愁鼎鑊一搏不中  
鷹初颺再搏再躍兔倉皇毛血淋漓觜爪健脫然遠  
逸形踉蹌嗚呼危急還相逼觀者何心快一擊性命  
縱不爲兔惜兔死鷹肥爾何益

彭城秋望

孤城山色裏河水撼秋聲原野最閒處夕陽無限情  
雲龍銷霸業戲馬枉才名冷落當年事登高酒獨傾

登倚宿山有感淮陰侯事

上有石厂相傳  
淮陰侯倚宿處

艾山之西五里路有峯昂然如矯顧崩石豁開虛容  
人云是韓侯倚宿處韓侯當日逢坎軻飄零四海一

身多勝下逡巡甘俯首英雄無奈是貧何想當仗劍

東西竄歸楚無功復歸漢豆剖瓜分各擅強

俗傳淮陰竊瓜

於此山行野宿徒增嘆釣竿擲向淮水濱登壇命將三

軍驚王齊王楚盡餘事相背空勞說蒯生韓侯韓侯

功不朽烏盡弓藏知之否解衣不忍背漢王一飯分

明懷漂母我來登眺日色昏寒巖犖确手重捫往事

荒唐何足辨悲歌且復哀王孫留侯匿迹曾尺咫夜

半橋邊方進履若教同遇黃石公也應早辭赤帝子

風虎山周忠武公廟二首

睢寧

百戰撓狂寇精忠世不雙將軍方力關國賊已迎降

虎氣從風起蛇矛奮血縱全家甘死義凜凜恨盈腔  
萬里邊關水迢迢故里通公本風虎山人英靈來往易俎豆  
歲時同降賊今誰在

褒忠典獨隆雁門司馬後慷慨嘆惟公

臘月初三日吳秋圃肇桂招同趙琢山琛李

伯陽楚傅嵩慶麟昭集飲新邳客舍醉後

有作

雪意留人住歸心逼歲闌相逢何不樂杯酒且爲歡  
戶大飛觥易才遲屬句難高談應已醉夜永不知寒

次日雪霽秋圃復招飲用前韻

宿醒隨雪霽豪氣逐更闌談笑皆陳事栖遲愜故歡  
古人今不作直道世原難君聽哀鴻語冬晴尙苦寒  
十二月望夜月蝕

魔障臨宮莫漫瞋清虛只隔一層塵天邊豈有蝦蟆  
怪地上空愁蟣虱臣所嘆今年無復望應知昨夜盼  
重輪拚教付與方澄浴銅箭相催漏向寅

夜子初虧  
寅時復圓

光明院落忽沈沈翹首長空冷霧深薄蝕竟成君子  
過團圓終慰素娥心十分虧缺還如此萬古消磨自  
不禁寒柝未闌雞未唱徘徊依舊伴孤吟

立春前一日雨中感懷二首

凍雨收殘臘疎疎又一年老梅開雪後新酒醉春先  
舉世能容拙何人不可憐衝泥行乞者望斷幾家煙  
冷署容妻子天涯憶弟兄豈無交謫語獨愧友于情  
經濟曾何濟榮名未是名東郊滋土脉計日事春耕

立春日雪二首

春被嚴風勒同雲莽合圍江湖雙破履天地一寒衣  
野老應相慶哀鴻漫苦飢暖同楊柳岸青眼待依依  
掃徑延春入東皇強雪陪偶然爲玉戲不覺壓寒梅  
菜有辛盤送花無羯鼓催土牛如我懶鞭扑首難回

復成七律一首送李甸之

芳田別

臘去春來兩別離無端飄蕩惜臨歧紛紜莫訝空相  
亂坦白終教世共知歌到郢中難和曲賦成梁苑好  
修辭於今獨讓梅花瘦不作人間六出奇

### 除夕

強作團圓會恩恩歲已除年過三十九漏轉五更初  
落拓悲身世迢遙憶故廬不知門外柳消息近何如

養默山房詩藁卷十四

松滋 謝元淮 默卿

圯上集三

癸未

得春煦書喜哲嗣

源

北闡中南元

舉世輕小吏科名重出身多君有令子使我忘風塵  
楚澤儲材大京華旅食頻准畱青眼待望此眼中人  
春雪

東風襲餘寒寒凝春力淺釀作瓊瑤飛到地忽泫泫  
連村麥苗稀萬樹梅花滿魯酒莫辭賒敝裘昨已典



孫虞尊州同

國壽

去冬乞假回浙省親今春

偕令弟東雅孝廉

觀

來邳賦贈四律兼送

東雅會試禮闈

陟屺翻然有所思扁舟便逐白雲馳  
歸逢歲暮心尤切人與春回喜可知  
棣萼輝新聯雨夜護花茂永荷天慈  
遙憐骨肉團團坐話到昏鴉反哺時

恩恩春至歲還除豈不思畱畏簡書  
綠野閒居時尙早黃河遠上意何如  
二難暫喜同蘭棹八座行看奉板輿  
半月承歡千里別知君常憶到家初

薄輦輕車共渡河客中忍復唱驪歌  
北方冰雪春寒

重南國桑榆晚景多千古賢人猶負米

九重天闕好鳴珂預儲樽酒君知未待取歸軒圯上  
過

天涯兄弟自溫存對此綢繆欲斷魂荆樹已看榮有  
日楚雲遙望杳無痕長教作宦庸非福暫許還家亦  
是

恩我昔白華思奉母可憐未得侍晨昏

哀道殣

四郊野哭哀烏鳥聲何樂道殣誰家兒狼藉殘溝壑  
餓死肉不肥空腸見藜藿惻然傷子懷慘怛淚雙落

爾魂仇烏鳶子心恐狐貉一抔具鋪封遺骸得所託  
嗟爾蒙袂人耐此凶年虐坐令天飢寒獨仰交愧忤  
乘輿濟溱洧爲惠亦已略願體

堯舜心蕩蕩恩施博

### 食韭

誰剪園中韭方春逞味初嫩黃金以寸新白玉堪茹  
壓值肥膿後甘逢醉飽餘鄙人終肉食空數庾郎蔬

### 大風

夜半眠忽覺奔騰萬馬趨紙窗全已破茅屋更堪虞  
穩羨梁閒燕驚啼樹上烏塵容吾豈免波浪滿江湖

清明日雨口占

清明本自多風雨底事人稱杜牧之過去才名應讓古等閒佳節不題詩

咏荒村白桃花

繁華原不在荒村冷淡風光合斷魂休訝小桃顏色減廢牆陰雨去年門

查賑十四首

四野無青草萬家如縣磬菑苗春不華菑根掘已盡茅屋如斗大中有數家居猶云勝露處吾用愧吾廬本自八口家逃徙半物故含懷訴長官聞啼乃增怒

執冊呼舊名倉皇騰寡婦夫死子爲奴今存一大口  
病樹繫羸牛荒田餘敗莠豈曰非蓋藏奈是主人物  
前村復後村書名盈數紙一夫獨掉頭所得非所喜  
日日盼官賑飢驅還出門官來適未見不許濫

天恩

有丐踉蹌來里胥訶不止雖非里中人同是天赤子  
東舍混西鄰噍噍逞其狡吾意殊可憐所志在一飽  
大厦摧爲薪主人行不見穿風去復來誤殺年時燕  
蒞此未三年救災今五度州人日以貧我愧猶如故  
旦出暮來歸秉燭猶勞勞擲筆起長嘆得毋負此曹

下民疑汝壤上官疑汝欺自慙誠意淺集茲上下疑  
青青原上麥吾欲握其苗天心自仁愛天功不可邀  
燕來  
燕來幾日舞晴郊下上銜泥補舊巢到底不嫌門巷  
陋可憐一似念貧交

春風詞

菜壠鋪金柳線長村村桃李春風香花事闌珊春欲  
暮杜鵑野哭蝴蝶忙春來亦無處春去亦無方殘紅  
亂落天亦泣回颺驚起哀鴻翔風兮風兮爲我日夜  
火速吹麥黃但得千家萬家俱飽食等閒春去庸何

傷

明月詞

海上騰清輝徘徊入我牖舉杯邀中庭團團在我手  
團團在我左團團在我右團團在我前團團在我後  
壽內四十

強仕深慙不自強閒關鄉里共相將操來井臼身猶  
健歷盡艱難鬢已蒼繞膝一雙兒女大齊眉四十歲  
年長如何冷署輸春庶笑問蓬頭老孟光

十年前有壽君詩歌向春筵勸酒卮今日又逢春去  
日明日往時還是少年時齏鹽况味貧能耐荆布家  
立夏

風老更宜但許扶犁兼抱甕買山歸隱未嫌遲

送春

放得花如海飄然竟自歸成功今日事速退古人稀  
杜宇還催去顰黃正亂飛低徊東望遠楊柳獨依依  
觀魚東虞尊遁守

陂水清見底藻荇東西流靜察羣魚戲渾在空中遊  
潛沙驚過翼唼影亂浮漚聚泳若親愛勞尾何時休  
魚得魚乃樂水與水斯投觀水復觀魚萬事良悠悠  
君儻循其本吾欲從莊周

東雅見和復疊前韻奉荅二首



君家好兄弟矯矯神仙流薄宦同圯上三載託清遊  
飛觴泛綠螳瀟茗傾霜漚晨夕相過從談笑夜未休  
良因氣味合遂若膠漆投結交緣慕義愛我非悠悠  
飲河獨銜羽憐我類周周

回駕自幽薊歸心入淮流低回念同氣暫訪黃石遊  
功名豈不貴幻若水中漚短歌寄魚藻詠賞何休休  
感茲瓊琚報愧先木瓜投勿謂神鯉困曝鰓往事悠  
成龍終有時霖雨八極周

時東雅不  
第南歸

衙齋小飲東雅有詩次韻奉荅

驛柳垂垂拂錦韉無邊芳草綠芊綿歸鞍暫許消長

夏酒榼休教負盛年河上風沙偏滿目天涯鴻雁且  
隨肩新詩和就添惆悵重我紗籠一段緣

東雅南旋寫圯上觀魚圖於扇賦詩爲別依

韻荅之

午夢昏昏繞睡魔荒齋待雨喜君過

時正禱雨

觀魚偶覺

微吟暢倚馬偏輸好句多趣省北堂怡愛日送歸南  
浦渺春波畫圖著我溪山裏紈扇風前喚奈何

鬪虱

漫膚痒思搔對客不遑恤探手入窮絳三捫得三虱  
撚指置案頭蠢然求遁逸垢膩積吾躬氣化之所出

愧此昂藏軀育茲么麼質白腹飽膨脝細腳亂蹶躡  
蠕蠕適相遇攘攘肆咀齧力努尻益高怒亟皆應裂  
前奮後轉勁彼情此方疾其二掎角忙其一旁攻切  
何怨復何尤致斯禍連結在昔寄禪襜褕深縫卜宅吉  
肥瘠擇所甘同跼了無別臥欣叔夜懶鬚笑安石劣  
既不上處頭鑽綠競貪餐雖非吾子孫長養資膏血  
報德固匪望爲仇殊不必今日出胯下永與敗絮絕  
同焦慎濡需共弔符沐櫛死亡須臾閒爭鬪尙不  
啞噬不能死勝負那可詰翻覆寸几閒糾纏空竟日  
吾欲解爾紛豈足當一捏活爾近於迂殺爾終不屑

吹墮塵土中聽爾自生滅

喜雨贈益堂司馬

全用九佳

小民望樂歲性命與之偕惟茲雨暘若實爲太平階  
去年苦淫潦補漏思神媧愁霖傷稼穡汨沒到根荄  
乘舟來城市泥淖阻騏驎黃河復異漲濁浪高淮  
比戶艱衣食途多未掩骸遺氓賴賑恤始免溝壑埋  
顛連到今年委頓如病痿但祈田有粟敢嘆食無腴  
奈何入夏後亢害消陰霾金烏渴欲死碧漢清於揩  
禾苗盡枯焦焜黃慘離萃岨山不作雲綿互空巖巖  
爲虐肆旱魃思投虎與豺桔槔移淵井禍殃及螺螄

雙弓單子米三韭庾郎鮭縱欲炊塵甑何能爨枯蘗  
青冥不可梯誰扣閭闔癡龍臥不起安得天符差  
徒占澤潤礎又見月侵簷或謂巫尪致或言陽氣乖  
惟君勤修省惻惻動幽懷流離切隱念力將羣論排  
古人不可作憂患屬吾儕民瘼坐莫救慙此印綬綯

西漢有賢良

淵德公  
韓稜

治蹟堪模楷好生自帝德戒殺

從僧齋心持一瓣香更踏雙芒鞋石衢何凹凸徒步  
行徘徊龍涎熱寶鼎芬如兜羅懷諷唄口不輟拜禱  
肩相挨雖無藥巴酒擬積戴封柴羣兒水柳冠連手  
戲炎街禱天舞千丁咒雨聲咿哇新蟬方嘲啞好鳥

更鳴啾從風誤石燕知雨訛陰諧

鳥名能知雨

曳雲忽莽

莽涼颼隨颼颼遊塵吹已盡霖霖若散緒綠綺潤瑤  
軫青萍騰寶鞍屋瓦濺圓珠漏痕垂古釵豐隆鳴玉  
虎律令速金牌濕烟封平林飛瀑下層厓一朝喜滂  
沛萬口歡噤噤霑濡徧廣郊港汊浮輕薄升斗甦涸  
鮒鼓吹豪官蛙活色起青草涼意浮綠槐古砌生嫩  
蘚積牆篆閒蝸奇雲飛孤巒汗輒陷連簷餘陰猶漠  
漠衆水流潏潏垂竿坐釣翁晾網看漁娃豐年待擊  
壤處處酣歌皆嗟予困簿尉偶儻羈天涯每當風雨  
際翻覺意興佳短什記慶幸巴詞等詠俳

三汊河道上

野港名三汊，洞流抱一灣。與人皆觸熱，我輩未應閒。  
烈日張炎繖，奇雲畫遠山。只宜甘雨澍，可以滌塵顏。  
益堂司馬惠白荷花露屬作白蓮詩二首

娟娟出水萬芙蓉，活色生香粉不如。洗盡繁華歸雅潔，消殘炎暑見清虛。珠湖雨歇閒藏鷺，玉井風高自戲魚。我欲皈心修淨土，匡山寂寂早涼初。

別館凌歊俯水濱，蓮爲四壁水爲鄰。汙泥不染愚君子，野浦微波憶美人。解語誰將花比玉，多情只有月如銀。一杯瓊露遺仙掌，好滌胸中萬斛塵。

七夕詞同潤峯作

萬古多情屬此宵  
橋成烏鵲路非遙  
一年一度天教合  
卻使嫦娥耐寂寥

廢織慵耕薄有懲  
銀河雖隔渡來仍  
風流許入神仙隊  
不是天孫萬不能

何事牽牛不服箱  
累他織女逐年忙  
儂今乞與雙星巧  
第一天錢要早償

瓜菓殷勤拜碧空  
鍼樓西畔月朦朧  
果然大巧輸兒女  
守拙年年笑乃公

喜聞陶山方伯



予告歸金陵寄呈二首

遙聞旌旆出秦關  
三徑蒿萊喜爲刪  
民隱方思慈父  
去

天恩特許老臣閒  
過江名士多流寓  
攜屐幽人共往  
還一自隨園風雅歇  
須公管領六朝山

莫愁湖傍石頭城  
嵐翠依人倍有情  
斗北文章堪報  
國江南童豎總知名  
何時許入春風座  
當日曾邀月旦評  
好待十年身計足  
學詩來作老門生

早秋夜坐

白袷衣初試  
紅梁酒半醒  
竹深銷暮暑  
亭缺露秋星

蝠影紛紛度蛩聲一一聽悠然清景集獨坐欲忘形

秋夜小雨

微雨釀新秋潺潺入夜愁檐垂蛛網重籬綴豆花稠  
晚藹雲陰薄溫暾暑氣收晚苗方待潤涼意滿西疇  
浦中蓮殘矣采折旣盡忽一枝秀發秋水中

喜而有作

萬朵凋殘剩一枝萬枝不抵一枝奇還當野浦西風  
後再看秋江初日時才士晚逢翻顯異美人獨立更  
多姿緋衣着向明光裏從此花開莫怨遲

寓館東鄰有嘉樹枝葉鬱森綠陰遠覆予與

朝夕遙對如良友秋風作雨黯然有可憐  
之色賦詩慰之

牆東老樹高百尺青青不改參天色一枝分作兩家  
春綠陰還覆往來客亂葉翩翩風欲來餘霞掩映日  
將夕嘯雨輦煙萬狀生蔭我哦松之東壁我從前歲  
來下邳孤根常恐驚飈吹幾日低頭吟矮屋幾回屈  
膝望旌旗忸怩愁對妻孥處樹乎樹乎惟汝知汝今  
憔悴亦如此使我含悽思往時汝旣不如碧海窮桑  
浴日拂月上起東王宮又不如漆園散木擁腫拳曲  
老棄空山中乃生黃河之北嶧山之東上棲禽鳥下

偃蒿蓬葉閒絲絲懸青蟲猶復拏雲蔽日天矯而龍  
蔥昨日有匠石過者引繩挈矩何雍容棟樑耶榱桷  
耶吾憂斧斤旦晚橫相攻不然西舍老翁老且貧朝  
炊無米暮爨無薪伐條剝膚來恩恩汝曾不慮此而  
乃慘淡悲秋風樹乎樹乎吾語汝吾家遠在瀟湘之  
陽澧沅之浦中有崕岈峯粵之奇峯蘊馥含芬之芳  
杜燧人鑽火之靈根神農播殖之桑苧虎豹遁跡蛟  
龍潛麒麟遊兮鳳凰喈喈而飛舞遠遊兮不歸來坐  
令松菊荒宿莽安得移汝植故山吾亦翩然歸環堵  
歸來兮歸來山中歲月如太古樹乎樹乎吾語汝

子夜歌四首

儂繡鴛鴦宿歡夢蝴蝶歸椒花倚黃蘗辛苦共相依  
木棉不作花春蠶不吐絲空機付織女那有成匹時  
芙蓉生秋水青燈照綺筵燈滅芙蓉出無抽得見蓮  
朦朧月空墮殿杳風亂吹中郎題黃絹意絕暗裏碑  
· 中秋夕益堂先生招同醉月卽席賦贈

去年陰雨不成秋水漲黃河拍岸流往事渾如花過  
眼今宵恰好月當頭人從圯上留佳詠路指雲間憶  
舊遊

時子將  
赴吳門

誰道庾公清興淺高歌還似武昌樓

于役吳門自瑤灣登舟

時解部  
案赴蘇

小吏事奔走身苦心難怡逼迫催上道遑念腹中飢  
北俗輕死命澆風悍不移冤憤起告訐忍孤皇天慈  
御此豈無術要非吾所知瑤灣三灣水清淺何漣漪  
岸柳八月黃一舸東南馳東南至吳會故人久相期  
辛勤盡職分鬢毛已成絲轉恐故人見憔悴非昔時  
浮雲獨可憐送我隨風吹

早發衆興

桃源

孤艇搖殘夢河聲撼客醒野風寒測測宿霧濕冥冥  
興與秋同淡身如水不停桃源何處所隔岸曉煙局

袁浦渡黃河

清河

星宿萬里來洶洶遠益壯收束強就軌賴茲遙堤障  
出塞復入塞此馴彼忽抗凜若御生龍猛氣時欲放  
折旋蟠九曲穿囀繞千嶂迢迢赴海口一洩勢始暢  
運口達袁江十里煙波望清流夾濁流左右如輔相  
淮黃一會合交趨毋退讓濯足與濯纓滄浪歌斯當  
地脈喜流通舳艫資轉餉胼胝思臣勞平威荷天貺  
百川秋灌河浩渺騰駭浪陽侯効清晏到此不肯漲  
我來狎洪濤片帆穩飛颺獨美神禹功擊楫發高唱

袁術墓

寶應

天下英雄操與君何曾知有袁公路冢中枯骨應已

朽湖上空傳三尺墓淮南稱帝亦徒然須臾敗滅如  
飛烟不及高郵張九四至今猶得蘇人憐

過揚州

馬當風送子安舟今我乘舟風打頭始信年來真坎

壘東流邗水亦西流

時江漲邗水逆  
流至邵伯埭

依舊笙歌滿畫船維揚風景似從前恩恩倚棹恩恩

去不上平山二十年

壬戌之春曾侍  
先君遊平山

瓜步渡江望金焦二山

秋水小落秋風高解纜直趁瓜洲潮潮平風帖天宇  
闊隔江山色如可招樓臺金碧竹樹翠亭亭秀特爲



金焦中流孤立絕依附使我心契神飛翺舊時遊歷  
畫滿眼巉巖黃菊齊含苞帆檣如馬不肯住縱有佳  
興何由豪反棹會須住三日雙峰絕頂酣遊遨大呼  
裴公焦公起昇仙成佛徒勞勞西方寂滅兜率遠萬  
年不死真無聊豈若飛行樂塵世咒令滄海成春醪  
酒人隨處各盡醉痛飲何必質宮袍歎息世閒競聲  
利心知無有聊解嘲二十二年九過此風前短髮昔  
垂髻一官落托効奔走浮名苦逐爭秋毫欲乞仙佛  
先自笑洞天焉肯容逋逃東坡當日誓江水至今未  
改流滔滔我久思歸歸不易歸卽來此從漁樵白日

欲真江澄練東峰明月還相邀

舟過毘陵有感

誰留遺愛付謳歌却話當年事半訛懊惱後人來太  
晚東亭早已屬東坡

梁谿舟中卽目

石橋初落漲痕微無數人家水浸扉晚歲良田成澤  
國秋林斜日漏清暉波漂粳稻河魚上露冷菰蘆塞  
雁飛自古吳中財賦地可憐菊瘦蟹空肥

舟泊胥江有懷君繡

伊人宛在水中央遙指層城喜欲狂聞有禁方傳扁

鵲君善醫

每緣佳句憶袁羊看山果踐三年約采菊應

飛九日觴不負別來吟望處詩篇留得鬢毛蒼

寄醒蕉

菊花都爲酒人開甚欲相尋意轉哀白髮耐愁君尙  
健青山無恙我還來家從蕩盡空餘傲詩到窮時枉  
費才明日虎邱重九節可能登眺共銜杯

九日偕醒蕉君繡何山登高二首

幾年幽興寄巖阿九日登臨感慨多船到西津

橋方名

倚棹水連東海尙騰波

時蘇松大水

後來雅會存三友先

得名山有二何城市依然今古異且從絕頂一高歌

側身天地意蒼涼一帶峰巒接上方塵世敢嫌俗  
白菊花端爲故人黃浮沈生計貧非病收斂才華慘  
不狂今日相逢惟痛飲也隨楓葉醉斜陽

寄程夢雷

均

秋林黃葉正紛紛齊女門邊日欲曛有客聞名終未  
見輕帆悔逐渡江雲

論交南北復西東總在憐才一念中我有故人淪落

甚

謂醒

漫勞青眼慰途窮

畫船簫管鬧山塘楓葉紅時菊始芳如此秋光不痛  
飲好教楓菊笑人忙

胥江水滿蟹初肥君自勾留我自歸後日新詩如寄  
贈西風旅雁恰南飛

視蔡夢吾貳尹

汝弼疾

老友經年別相尋九月秋長卿原善病庾子太多愁  
累重歡無日官卑苦未休就君牀下語不覺淚盈鼻  
喜晤西峯有贈

知己天涯徧康成獨可依廿年交耐久三歲晤偏稀  
繫驥思途遠遵鴻念侶違何時排健翮直上九霄飛  
曉過無錫望惠山

舟發梁溪曙西風錦樹林開篷山色遠回首客情深

石岸留新漲，泉亭憶舊尋。  
竭來帆櫓便，未許暫登臨。  
抵京口，不得遊金焦，悵然有作。

萬事難預料，得失皆偶然。  
海嶽恣遊覽，定屬山水緣。  
前日渡瓜洲，金焦青滿船。  
忽促不肯住，留與歸周旋。  
持螯看秋色，爛醉雙峯顛。  
如何抵京口，倥偬轉甚前。  
截江飛小艫，悵望凌空煙。  
蹙蹙鮮稱意，男兒真可憐。  
美才非爲福，好官在多錢。  
躑躅荆棘叢，名利牢烹煎。  
老漁漁得酒，卻傍江鷗眠。

露筋祠

白蘋紅蓼映連漪，一棹重尋日暮時。  
絕世風流同不

卷十四  
朽女郎祠屋阮亭詩

舟中讀江陵張文忠公集

江陵相業自巍巍青史傳聞半是非一振主權安國  
步獨持樞柄運天機雄邊大帥推心馭絕塞名王稽  
顙歸帷幄焦勞臣力盡十年端拱只垂衣

舟中展讀漫吟哦字字經綸矢靡他隻手扶天能捧  
日寸心如水豈生波無端恩怨紛難了有用文章定  
不磨休道富強容易致神宗末祀竟如何

謾云剛愎性多殘子產原將猛濟寬賈市方來俺答  
馬彈章忽出惠文冠消除溥海妖氛易解釋中朝習

氣難功罪分明輿論在一編留與後人看

孤身自許繫安危敢任何嘗愧呂伊兒輩科名如倖  
得官家爵賞肯堅辭奪情未免貽臣累固位終成報  
主知莫與鈴山堂並讀高文典冊屬青詞

感成

丹山老鳳在梧桐燕喜雕梁爵喜叢孤鶴但教毛羽  
滿試聽清唳警霜空

渡河至楊莊風大順

去日銅烏首向東隨波千里不開篷於今始識天公  
意留待歸時走順風



重經駱馬湖作

去年桃李鬥春葩今日重來菊又華  
一種化工先後意等閒遲暮漫咨嗟

茫茫山海足紅塵且息花間自在身  
白日飛昇庸有幸玉棺看葬古仙人

夜夜老

并引

河中白羽蟲羣飛水面夜生朝死名夜夜  
老土人多食之謂魚蝦所化蓋蜉蝣類也  
夜夜老夜夜水上飛柔膚素羽輕且肥  
暮生朝死太局促一生不見朝陽輝  
夜夜老夜夜去不歸羣遊逐

隊相因依千金一刻未足擬長夜已爲百年期夜夜  
老人生與爾同所悲白駒苦向隙中馳上飽鳥鳶下  
螻蛄一例充腸無是非化爲魚蝦豈不幸生天成佛  
時有之夜夜老夜漏莫嫌遲光天化日非爾宜蜉蝣  
朝生爾朝死可惜同類不同時

夜過塔山石徑崎嶇

車輪忽有角聲礮山徑斜碎礮雷貫耳眩暈眼生花  
歷塊愁奔驥投林感暮鴉一燈明滅處應宿野人家

戲馬臺弔宋武帝

閒世英雄起草萊登高戲馬兩徘徊終能赤手成王

業轉使重瞳愧霸才海上鯨鯢方續命關中父老漫  
興哀歌風五百餘年後劉項平分又此臺

捧盒仕女圖

碧天流水斷人腸銀漢星橫夜未央捧到同心金鈿  
盒不須詞怨冷朝陽

輓夢吾三首

憂患能傷人歲月不我與萬事無全功昨日遂成古  
夫子清時彥畢生困愁苦少壯曾幾時白髮亂如許  
杯酒背雄談肝膽齊傾吐富貴不足干貧賤安可侮  
獨喜澹蕩人同調天涯數一旦棄我去含悽將誰語

迢迢江水深朔風凝淚雨

相交二十年師友資切磋詩骨仰天寶字腳摹元和  
落紙快相贈得句時共哦自我官圯上衣帶阻黃河  
去年秋七月行役遠來過訝君齒牙豁道我醉顏酡  
炎曦蒸暑雨對酒還高歌別去甫經歲聞君抱微疴  
一舸下吳門執手憐奔波依依牀下語清淚沾衣多  
高堂有慈母衰老鬢雙皤下有二男兒完璞須琢磨  
死者不可諱生者將如何

窮鳥鳴聲哀君言非不祥輕塵栖弱草生死固其常  
賢愚殫智力競此傀儡場步步近死地有如趨庖羊

雖知造物心顛躓苦相將咕咕兒女語不出壯士腸  
耿耿故舊懷獨爲知己傷臨風起悲嘆雲樹遠蒼涼

寒夜戲作鬼賊二首

鬼  
昏月暗孤影灌木颺淒風更深一犬吠遙遙廢院東

賊  
拆稀夜已靜天寒月墮時悄看門外竹未要主人知

山石行

泗上山靈夜半哭峯峯死色空無骨千鎚萬鑿聲如  
雷欲屑蛟宮作平陸巨靈擘華山神禹疏龍門至今

遺跡猶長存勞勞苦爲萬世計坐笑古人輸今人河  
伯兮河伯不愛漢皇之沈璧獨受南山之頑石南山  
已與吾山平河水還從石上行河伯不語石應語勉  
向中流作砥柱山石買得金錢多精衛無須怨海波  
若使天孫能知此早拋機石填銀河

四十初度漫成十六首

大好荒衙介壽期冬風雨雪日初遲

時值長至後  
二日大雪遨

遊未負懸弧願倜儻偏招按劍疑四十年前無我在  
九重天外有誰知文章比似功名薄檢點生平漫賦

詩

昂藏七尺愧奇男往事思量百不堪玉樹階前方茁  
秀春暉堂上屢分甘蓼莪廢後還餘淚棠棣歌來只  
益慙拋得故園松菊在虛名空說大江南

少年悔學府中趨豪氣銷磨近有無曾向酒家眠李  
白屢從歧路泣楊朱屠龍技妙宜藏刃逐兔功難且  
守株薊北燕南遊歷徧寒雲凍雨總模糊

延陵捧檄憶當年小邑初看試小鮮幽谷可容蘭馥  
郁濁流何礙月清妍李郎斷句才爲鬼梅尉高風品  
是仙盤錯艱難應我輩好官雖好只多錢

竭來歲月太匆忙馬足船脣半故鄉安得有才兼有

命未能無短，恰無長。孤鷄暫喜，依帷幙，幸草何堪。  
雪霜莫訝麻姑貪狡，猶青年閱盡幾滄桑。

城名蝦虎足魚蝦。山水光中，日放衙，載酒客來臨畫。  
稿荷鋤人去，種梅花，新詩偶出，爭分韻，舊地重經，似  
到家。一自渡河留，北時時清夢繞煙霞。

徐東風景最蒼涼。白日塵昏，古戰場，萬里波濤，星宿  
海，幾家煙火，水雲鄉。難尋王吉，燒金術，願乞留侯辟。  
穀方聽到哀鳴，鴻滿野，廉泉一勺愧循良。

躑躅惟余馬首瞻。謳歌誰慰，邑中黔，能供奔走稱強。  
仕肯受飢寒，算小廉，總爲天心憐。庶類徧分春色，送



窮檐眞令志士忘溝壑藜藿根肥菑草甜

團圓對酒且高歌漫向樽前怨轍輻老大正虞來日  
少聰明端讓古人多權宜屈蠅蟠泥淖幾見冥鴻誤  
網羅海上三山原可涉只須弱水不騰波

受恩須念報恩時知己天涯有所思爭說項斯詩更  
好空憐李廣數偏奇女蘿得附還孤寄城草綠高却  
早萎秀實榮枯皆自取冰霜雨露本無私

朝來頓覺萬緣空亙古繁華盡夢中望到兒曹心太  
妄思歸鄉里遇眞窮環珞不舞羊公鶴駸駸能行鼪  
氏驄幾度將牢渾未是從今應號信天翁

飛花高下豈無因  
闥苑丹邱聚鳳麟  
燕石未攻常亂玉  
楚蘭將爨不如薪  
自非北阮聊從俗  
偏是東施肯效顰  
聞道豐城銷劍氣  
得閒還擬訪延津

飲酒看花莫問天  
蟾來烏去送年年  
神仙不死難辭老  
木石無知亦解禪  
蔓草內敷淺雪幹  
橫梳中有在山泉  
阮生痛哭陸郎笑  
一種悲歡各自憐

斗祿雖微荷

寵榮問將何事答

昇平生逢

盛世貧猶福  
官在江南小  
亦清後日  
馳名虛作想中

年哀樂最關情素餐更較端居恥擬買山田自課耕  
落落交遊散若星鐘聲欲動曉冥冥古人爲壽先杯酒  
今我傳家在一經霜鬢都從明日白雲山未改舊時  
青燒丹煉汞成何用多少癡癡喚不醒

只解歡娛不解愁九州之外有神州從來作佛慈非  
法便去成仙睡較優曩歲鴻泥如昨夢殘年風雪悔  
前遊江干早種千頭橘嘯傲何須萬戶侯

霧凇

十一月二十六日

草廬屯積雪寒霧忽周遮細剪瓏鬆玉裝成頃刻花  
只占窮漢食莫入達官衙忍冷庭前看紛紛鬢欲華

盆梅凍藥不放

生意枝頭已自融清香凍藥闕疎證如何受盡嚴威  
勒總是東皇信未通

消息無因到古梅南枝寂寞北枝摧鄰家別有藏花  
窖早犯冬風次第開

題漢陽熊夢華蘭陔堂詩集後

生同江漢本爲鄰展讀遺編訝古人奇想都從天外  
落素心早向卷中親雲間仙樂傳新調夢裏琪花悟  
舊因何事纏綿多感慨遭逢煉出性情真

三百篇中佚楚風楚人歌楚大王雄由來屈宋能哀

怨論到鍾譚有異同李氏

茶陵

矯空摩健鶻杜生

茶陵村悽

絕弔寒蟲繼聲擬和陽春調千古清才願折衷

燈前幾度費吟搜衆體皆佳五字適我輩才名應贈  
證君家忠孝有源流看雲憶弟逢今雨對酒懷人又  
早秋池水儲山常人夢蘭陔寂寞不勝愁

未識元方識季方

謂益堂司馬

疎豪道我似君狂傍人莫

漫題鸚鵡此客曾經吐鳳凰身後掄才應及第眼前  
披詠屢飛觴丹鉛付與千秋去歷歷春雲憶漢陽

### 夜雪

夜醒無月窗忽白傾耳潛聽萬籟寂銅壺凍澀天亦

睡潑水布衾寒測測今年龍公好玉戲填平溝塹深  
盈尺溪邊梅樹知如何明朝擬蠟阮家屐

奇寒水凍煮冰淪茗

虛風欲掃崑崙平碧落亂散瓊瑤英飛英化石不化  
水長河互若玻璃明天吳瑟縮馮六睡尋蹤早有狐  
狸行楚客噤寒納手坐朝炊無米睨空鎗井水全渾  
天地閉斧冰淪茗還自烹鷓鴣斑炭地爐擁銅盤的  
礫堆寒晶活火凝陰互交戰冰山欲倒心誰驚春水  
漸生蓬壺島浮漚渙若雙鳬輕暖谷乍回陽氣透暗  
暗遽作蚯蚓鳴陽羨陶壺雅可玩洞山芥茗芽初萌

松濤沸起銀河瀉孤煙上與嚴威撐客來權當寒夜  
酒炎涼變態須臾更茶經思補桑苧叟茗椀聊隨玉  
川生  
党家風味我何有直令臟腑同溫清